



# Imminut toquttoqarnerani qimataasut

Ullut tamaasa eqqarsaatit misigissutsitillu allattakkit imal. toqusoq allaffigiuk. Taamaasillutit kingumut qiviarlutit allassimasatit atuarlugit nikeriarsimaneerit aallaqqaataanisuullu oqimaatsigijuaannannginnera takusinnaalissavat.

Toqusoqarnera pillugu ilinniagalimmik piffissami sivisujaami oqaloqateqarnissat isumagiuk inuunermullu ajunngitsumut ingerlariaqqissinnaaqqulutit eqqarsaatit misigissutsitillu suliarikkit. Toqusup toquffia sungiunniarlugu nalinginnaasutut ersigisassaannigitsutullu isigilesinnaaqqullugu ornittaruk. Taamaaliornikkut eqqarsaatit oqinnerulissapput.

Saaffigisat: Imminut toquttoqarnerani qimataasut – Nunarput tamakkerlugu

## IMMINUT TOQUTTOQARSIMATILLUGU QANOQ PISOQARTARNERA NAATSUMIK OQAATIGALUGU

Imminut toquttoqarsimaneerup kingorna nalinginnaasumik ima pisoqartarpoq:

- Toqusoqarnerata paasineqarnera
- Politiit attavigineqarnerat portørinillu aggersaaneq
- Timip toqungasup eqqaata politiinit assersorneqarnera
- Portørit toqusumik napparsimmavimmukaassinerat
- Nakorsap toqusimanermik nalunaarusiornera oqaluffiullu allaffianut toqusoqarneranik nalunaaruteqarnera
- Qimataasut ilaquttanik allanik kaleriinerat
- Qimataasut oqaluffiup allaffianut attaveqarnerat
- Oqaluffiup allaffianit toqusup suminngaanniit qassinullu anninneqarnissaa ilisaanissaalu pillugit radiokkut allagarsiinikkullu nalunaaruteqarneq
- Toqusut inaanni naggammik najuunneq
- Oqaluffimmi ilisineq
- Iliveqarfimmut angallassineq
- Iliveqarfimmi ilisineq

NASSIUSSIGIT



PDF-ILIARIUK



EMBED



- m) Iisineq naammassippat qimataasunut ilaqutaasunullu kaffillerneq
- n) Qimataasut ilaqutaasullu aviisitigut aamma/ imal TV-kkut qujaniuteqarnerat

### **NAAPIKKUMAAKKATIT NAJUKKAMILU IKIORSIISINNAASUT**

Imminut toquttoqarnerata kingorna pisorta qarfiit attavigiumaagassatit ukuupput: Immikkoortut toorlugit paasisassarsiorit:

### **POLITIIT**

Toqusoqarnerani politii nut sianerner mi, politii t napparsimmavimmut attaveqassapput tassanngaanni illu portørimik/nik aggersaanissaq isumagineqassaaq.

Toqusoqartillugu pinerluttoqarsimasinnaanerani k paasiniaanissaq politii t suliaassaraat. Politiit naliliinerat naapertorlugu pisariaqartinneqarpat politii t kommunimi inunnik isumaginnittoqarfik attavigissavaat.

Inuulluaqqussutitut allakkat qimataasunut atuartinneqassapput.

Allakkat suliap naammassineqarnissaata tungaanut politii t itit tigummineqassapput.

Politiit p isoqarfik assilissavaat, assit killiligaanngitsumik toqortarineqassapput. Imminut toqunnermi atorneqarsimasut politii t itit - s ivisunngitsumilli toqqortarineqartarputaaq.

Politiit attavigikkit

Attavik una atorlugu najukkanni politii t itit [attavissannut paasissutissat pissarsiarikkit](#)

### **NAPPARSIMMAVIK**

Pinasuartumik attaveqarniaraanni ambulancimut sianertoqarsinnaavoq. Najukkanni [pinasuartumik saaffissat normui uani takukkit](#).

Sukkulluunniit najukkanni peqqissaavimmut saaffiginnissinnaavutit:

Nakorsamut sianeruit qanoq innerit oqaatigiuk

Nakorsiarnermi anigoruminaatsumik nalaataqarsimanngitsumik ilaqarnissaq isumatusaarneruvoq.

Najukkanni [peqqinnissaqarfiup normua uani pissarsiarisinnaavat](#)

Portørit suliaasaat:

Portørit aggersarneqarunik toqusimasorisamut pinasuartumik orniguttarput

Toqusoq portørit napparsimmavimmut angallatissavaat

Nakorsap napparsimmavimmi takusaasup toqusimaneq uppersassavaa.

Nakorsap toqusunut uppersaasat immersoriarlugu oqaluffiup allaffianut nassiutissavaa

Portørit toqusup toqusut inaannukaannissaanut piareersartarpat

Toqusoq amerlanertigut sap. akunnera toqusut inaaniitinneqartarpoq Ilaqutaasut toqusumik naggammik takusaanissaat portørit

isumagissavaat

Toqusoq ulloq ilisaaffissaq toqusut inaanni tussiuqqareerpat illerfia portørinitt oqaluffiliaanneqassaaq

## KOMMUNI

Innuttaasoq kinaluunniit ikiuutaasinnaasunik nassaarniarnermi ikiuuttussamik kommunimi sullissisoqarnissamut pisinnaatitaaffeqarpoq.

Kommunimi inunnik isumaginninnermi sukkulluunniit attavigineqarsinnaasumik pigaartoqartarpoq. Politiit aqqutigalugit inunnik isumaginninnermi pigaartuusoq attavigiuk.

Innuttaasunik sullissivimmu saaffiginnissinnaavutit tassangalu sullissisussannut qanoq ikiorneqarsinnaaninnik naliliisinnaasumut innersuunneqarlutit.

Ass. tarnip pissusaanik immikkut ilisimasalimmut innersuunneqarsinnaavutit.

Ass. ilaqutariinnik sullissivimmu ikiuullutillu siunnersuisinnaasunut aamma innersuunneqarsinnaavutit. Ilaqutariinnut sullissivimmi ass.

imminut ilisaritinnani akeqanngitsumik ammasumik siunnersuisarfeqarpoq. Ass. nerisassanut ineqarnermullu tunngasunut aningaasatigut ikiorneqarsinnaavutit.

Toqusup pigisaanik akilerneqarsinnaanngitsunut- ilisinermi aningaasartuutit naammaannartunut akiliunneqarsinnaavutit.

Aningaasarutit naammaannartut tassaassapput ilisinermut akikinnermut akiliunneqarnek. Ilisinermut namminermit tunngasunut – illerfimmut, ilivissamut, naasunut assigisaannullu tapiisoqarsinnaavoq.

Immikkut meeqqanut inuusuttunullu 18-it inorlugit ukiulinnut ilaatigut makku neqeroorutaasinnaapput:

Nammineq inuttut siunnersorti imal. tapersersorti oqaloqatiginnittarnikkut meeqqamut ilaqutariinnullu ikiuuttussaq Angerlarsimaffimmut orniguttartoq ilaqutariit ulluinnarni aaqissuussamik inuuneqarnissamut, meeqqanik killiliinissamut toqqammavissiinissamullu ikiuuttussaq ilaqutariillu atuarfimmut, ulluunerani paaqqinnittarfimmut imal. meeraaqqerisumut attaveqarnerannut ikiuuttussaq.

Illit kommunerisanni attavigisinnaasatit uani takukkit:

[Avannaata Kommunია](#)

[Kommune Qeqertalik](#)

[Qeqqata Kommunია](#)

[Kommuneqarfik Sermersooq](#)

[Kommune Kujalleq](#)

Kommunerisanni perorsaasutut tarnillu pissusaanik ilisimasalittut siunnersuisartoq (PPR) aamma attavigisinnaavat. PPR meeqqanut ukioqanngitsuniit 18-inik ukiulinnut sullissisuuvoq. PPR-imi siunnersuisartut meeqqat alianartumik anigoruminaatsumillu nalaataqartut ilisimasaqarfigaat, angajoqqaanullu siunnersuineq

ilitseruinerlu- kiisalu meeqqanut inuusuttunullu pisoqareernerani  
( pisoqarnerata kingorna nal. ak. 72 –it qaangiunneranni)  
marloriarluni pingasoriarluniluunniit anigoruminaatsumik  
atugaqarnermi ikiorsiissutitut oqaloqatigineqarneq  
neqeroorutigisinnaallugu.

[Siunnersuisarfik MISI](#), Kommuneqarfik Sermersooq, Oqarasuaat:  
366 330.

MISI Qeqertalik, Kommune Qeqertalik, Tlf. 70 19 00

MISI Avannaa, Avannaata Kommunia, Tlf. 70 18 00

MISI, Kommune Kujalleq, Oqarasuaat: 705430

PPR, Qeqqata Kommunia, Oqarasuaat: 865 540

## OQALUFFIK

Innuttaasoq kinaluunniit upperisaq apeqqutaatinnagu iliveqarfimmi  
ilisaanissamut pisinnaatitaaffeqarpoq. Oqaluffimmit makku  
isumagineqarsinnaapput:

Ilisinermi peqataasunik bussimik angallassineq

Bussit unittarfianni allagarsiinikkut radiokkullu ilisinissamik  
nalunaaruteqarneq

Oqaluffimmit iliveqarfimmut illerfiup angallanneqarnissaa

Iliveqarfimmi assaasussat

Pisariaqarpat apummik nivattussat

Najukkanni oqaluffiup allaffianut [oqarasuaatip normua uani](#)  
[pissarsiariuk](#)

Oqaluffimmit isumagineqartussat:

Toqusup upperisaa apeqqutaatinnagu nakorsap toqusumut  
uppernarsaasiaa oqaluffimmit tiguneqassaaq.

Toqusoqarneranik nalunaarut oqaluffimmit immersorneqassaaq  
pisortanullu toqusoqarnera nalunaarutigineqassalluni.

Toqusup oqaluffimmit ilisaanissi kissaatigisimappagu, qimataasut  
toqusup kuisinnermut allagartaa, atserneqarnermut uppernarsaataa

imal. katinnermut allagartaa nassarlugit oqaluffimmut

saaffiginissapput. Toqusoq upperisarsiortunut allanut ilaappat,

ilisinissap aqqissuunnissaa pillugu upperisarsiortut pineqartut

saaffigissavatit. Toqusoq ilagiinnut ilaangippat ilaqutariilli

oqaluffimmit ilisaanissaa kissaatigippassuk, palasip ajoqilluunniit

toqusut inaanniit oqaluffimmiilluunniit sivikitsumik

naalagiusinnaavaat. Ilivissarsineq akeqanngila.

Qimataasut oqaluffik peqatigalugu isumaqatigiissutigissavaat:

Toqusut inaanniit qaqugu annissinissaq

Toqusut inaanni tussiutit suut atorineqassasut

Illerfissamik inniminniineq. Toqusoq illerfissarsiutileqatigiinnut

ilaasortaappat peqatigiiffik attavigineqassaaq, ilaasortaangippat

oqaluffiup allaffianit napparsimmaviup peqqumaasivianit illerfissaa

inniminnerneqassaaq.

Toqusoq anninneqareerpat qimataasut makku

isumaqatigiissutaanissaat siunertaralugu oqaluffimmut  
saaffiginneqquneqarput:  
Ulloq suna nalunaaqutarlu qassinut ilisisoqarnissaa  
Tussiutit suut atorineqarnissaat  
Palasi oqaluffimmi ilisinermit atugassamik  
oqaluusissiorsinnaaqullugu toqusoq qimataasullu pillugit  
paasissutissiineq  
Erinarsoqatigiit kikkut oqaluffimmi tussiassanersut (ugeavisi aamma  
takuuk)  
Ass. sila ajussappat qanoq iliortoqarnissaa  
Ullormi ilisiffissami illerfik toqusut inaanniit oqaluffiliaanneqassaaq  
Oqaluffimmi ilisineq  
Sanningasoq, illerfik naasullu biilimut illerfimmik angallassisussamut  
ingerlanneqassapput  
Iliveqarfimmut ingerlassineq  
Iliveqarfimmi ilisineq  
Palaseqarfik  
Tarnikkut erloqissuteqarnermi palasimik oqaloqateqarnissaaq  
palaseqarfimmit neqeroorutaasinnaavoq.  
Oqaloqatigiinneq nalinginnaasumik nal. ak. ataatsip iluani  
ingerlanneqartarpoq.  
Pisariaqartitsineq naapertorlugu arlaleriarluni oqaloqatigiinnissaaq  
isumaqatigiissutaasinnaavoq.  
Najukkanni palaseqarfiup [oqarasuaataata normua uani naniuk](#)

Illerfissarsiutileqatigiit  
Toqusoq illerfissarsiutileqatigiinnut ilaasortaasimappat, peqatigiiffik  
saaffigissavat. Peqatigiiffimmut ilaasorta qtoqukkut qimaguppat  
illerfissarsiutileqatigiit illerfissaa akilissavaat. Illerfik, sanningasoq,  
naasumernit oqaluffimmiillu iliveqarfimmut ingerlanneqarnera  
qimataasut peqatigiiffimmit pissarsiarissavaat.  
Kikkulluunniit ukioqanngitsuniit 17-inut ukiullit ukiumut 100  
koruuneerlutik 18-iniillu ukiullit ukiumut 200 koruuneerlutik  
akiliuteqartarnikkut peqatigiiffimmut ilaasortanngorsinnaapput.  
Pisariaqarpat ilaasortaaneq akiliutaasartorlu pillugit peqatigiiffik  
attavigisinnaavat. Ilaasortaanermut akiliut allaffimmut  
saaffigininnikkut aningaaserivimmiluunniit konto-mut  
nakkartitsinikkut akilerneqarsinnaavoq.

## ATUARFIIT

Atuarfiit aqutugalugit inuusuttunut toqukkut qimataasunut immikkut  
neqerooruteqarpoq:  
Ilinniartitsisumik oqaloqateqarsinnaavutit  
Atuarfiit ilaat inunnik isumaginninnermi siunnersortimik  
atorfeqartitsippat. Atuarfiup allaffianut saaffigininnikkut inunnik  
isumaginninnermi siunnersortimut innersuunneqarsinnaavutit.

Tassani atuartut inunnik isumaginninnermi siunnersortimik

sivikitsumik oqaloqateqartarnissat periarfissaraat, angajoqqaataaq ilinniartitsisorlu isumaqatigiissusiornikkut atuarfimmi inunnik isumaginninnermi siunnersorti isumasiorlugulu siunnersuisissinnaavaat. Atuarfiup allaffia immersugassamik peqarpoq. Immersugassami ajornartorsiutit inunnik isumaginninnermi siunnersortimik oqaloqateqarusunnermut patsisaasut naatsumik oqaatigineqassapput. Illit nammineq inunnik isumaginninnermut siunnersortimut saaffiginnillutit taanna peqatigalugu immersugassaq immersorsinnaavat.

Ilinniaqqinnerit akunnattumik sivilissusillit qaffasinnerusumillu angusaqarniarluni ilinniaqqinnerit ilinniarniq pillugu siunnersuisoq oqaluussinnaavat Illoqarfiit ilaanni ilinniartunik siunnersuisartumut innersuussisoqartarpoq Tarnip pissusaanik immikkut ilinniagalimmik kisimiilluni ataatsimoorlunilu oqaloqateqarneq. Inuunerissutsinnut sunniuteqartumik ilinniakkannullu akornutaasumik tarnikkut ajornartorsiuteqarnermi akornusersuisunilluunniit eqqarsaateqarnermi neqeroorut Ilinniarfiit aqutigalugu ilinniartunik siunnersuisartumut innersuunneqarsinnaavutit Atuarfiup allaffianut saaffiginnigit oqaloqateqarnissarlu noqqaassutigalugu.

## EQQARTUUSSIVIK

Toqusumut uppersaasatip palasimit tunniunneqarneragut nunap immikkoortuani eqqartuussivik toqusoqarneranik ilisimatinneqassaaq. Nunap immikkoortuani eqqartuussiviup toqusup pigisaasa agguanneqarnissaat isumagissavaa. Nunap immikkoortuani eqqartuussivik kommunimut, aningaaserivimmut, INI A/S-imut, Nukissiorfinnut Tele-mullu - toqusoq aningaasanik pissarsiassaqaqarnersoq paasiniallugu allagaqassaaq. Nunap immikkoortuani eqqartuussivik illerfissarsiutileqatigiinnut kingornussassialianillu nalunaarsuiffimmut aamma allagaqassaaq. Nunap immikkoortuani eqqartuussiviup toqusup pigisarimasai kikkullu toqusumut ilaqutaanersut paasiniallugit toqusup ilaqutai attavigissavai. Qimataasut namminneq aamma nunap immikkoortuani eqqartuussivimmut saaffiginnissinnaapput. Toqusup ilaqutaasa toqusup pigisai nalinginnaasut nalillillu pillugit paasissutissat immersugassamut allattussavaat nunallu immikkoortuani eqqartuussivimmut tunniullugit. Kingornussisussat arlaqarpata nunap immikkoortuani eqqartuussivik peqatigalugu ataaseq toqusup pigisaanik isumaginnittussatut toqarneqarsinnaavoq. Taamaattoqassappat pisinnaatitsissut atsiorneqassaaq. Tamatumunnga atatillugu toqusup akiitsoriumaagaasa isumaginissaannut kingornussisussat pisussaaffeqarput. Akiitsorisinnaasat akilernissaannut pisussaaffmmik tigummisaqarumanngikkaanni, toqusup pigisaasa nunap immikkoortuani eqqartuussivimmit

isumagisassanngortinneqarnissaat periarfissaavortaaq.  
Nunap immikkoortuani eqqartuussivik ilaqutariinnik  
oqaloqateqareerpat, eqqartuussisup toqusup pigisaasa qanoq  
agguaanneqarsinnaanissaat isummerfigisinnaasarpaa. Tamatuma  
kingorna pigisanik agguaassineq immikkut ilisimatitsisoqarani  
naammassineqarsinnaappat paasitinneqassaait. Suliaq  
imaaliallaannaq naammassineqarsinnaanngitsoq paasineqarpat,  
nunap immikkoortuani eqqartuussivimmut  
ataatsimiigiaqquneqassaait. Toqusoqarneraniit qaammatit marluk  
missaasa qaangiunneranni suliap qanoq ingerlanneqarsinnaanera  
pillugu nunap immikkoortuani eqqartuussivimmit  
oqaaseqaateqartoqarsinnaasarpooq.

Ilaqutaasut namminneq ilisinissaq isumagissavaat aningaasartuutillu  
akilerallassallugit. Toqusup qimataanit akissaqartinneqarpat  
aningaasat akiliutaasimasut taarserneqassapput. Ilaqquttat  
arlaannaalluunniit ilisinermut aningaasartuutininik akiliisinnaanngippat  
kommuni ikiuussinnaavoq.

Najukkanni nunap immikkoortuani [eqqartuussivimmi attaveqarfissat  
uani pissarsiarikkat](#)

Qimataasunut ilaqutaasunullu tunngatillugu inatsisit pillugit  
siunnersuutissat pitsaasut:

Toqusup pigisai paarilluakkit.

Toqusup aningaaserivimmit aningaasanik tigusinissamut allagartaa  
imal. illumut, biilimut angallammulluunniit matuersaatai ingerlaannaq  
nunap immikkoortuani eqqartuussivimmut tunniunneqassapput.

Toqusoq aningaasanik tigungmisaqarsimappat toqusup qimataanut  
tunngatiillugu kontomut ikineqassapput. Ikisinermut uppersaataat  
korti ilanngullugu nunap immikkoortuani eqqartuussivimmut  
tunniunneqassapput. Toqusup qimataanut kontomik sulii  
pilersitsisoqarsimangippat nunap immikkoortuani eqqartuussivik  
attavigineqassaaq.

Toqusup kontoaniit tigusisinnaanngilatit – taamaasioruit aningaasat  
utertinneqarnissaannik piunnaaffigineqarsinnaavutit.

Suliaq naammassitinnagu toqusup akiligassaanik akileeqlinik.

Pigisat nalillit – tuniniarneqarsinnaasut nalunaarsorsinnaavutit.

Inatsisinut tunngasunik siunnersorneqarneq

Inatsisinut tunngatillugu ajornartorsiuteqaruit

apeqqutissaqaruilluunniit inatsisinut tunngatillugu nalinginnaasumik

ikiorserneqarnissaq noqqaassutigisinnaavat imal. annertusisamik

inatsisinut tunngatillugu ikiorserneqarsinnaavutit. Inatsisinut

tunngatillugu ikiorserneqarneq tassaavoq inatsisinut tunngatillugu

akeqanngitsumik siunnersorneqarneq:

Inatsisitigut ikiorsisarfimmit imminut ingerlatittumit [Ikiu-mit](#),

Eqqartuussissuserisumit nammineq toqqakkamit,

[Eqqartuussissuserisut nalunaarsuiffianneersumit](#)

**IMMINUT IKIORSERSINNAANERMUT PERIARFISSAT  
SIUNNERSUUTILLU PITSAASUT**

Tassani pisortaqarfiit imminut ikiorniarlutit attavigisinnaasatit

allassimapput.

## ALIANARTUMIK NALAATAQARSIMASUT IKORFARTOQATIGIIFII

Kommunimi pinaveersaartitsinermi siunnersorti aperiuk  
Ugeavisi takuuk

## OQARASUAATIKKUT SIUNNERSORNEQARNEQ

TUSAANNGA – TLF. 801180, SMS 1899

Tusaannga ullut tamaasa nal. 16.00-imiit 22-00 tungaanut  
ammasarpoq, attaveqarnerlu akeqarani kinaassutsimik  
isertuussisuulluni. Meeqqat, inuusuttut, inersimasullu tamarmik  
oqaloqateqarnissamik, allaqateqarnissamilluunniit pisariaqartitsisut  
Tusaannga attavigisinnaavaat.

Atuakkat, dvd-it, nittartakkat, quppersakkat il.il.

Imminut [toquttoqartarnera pillugu sammisaq uani takuuk](#)

Periarfissat allat

IKIU (324548) inatsisitigut ikiorsiisarfiuvoq; inatsisinut tunngatillugu  
apeqqutissaqaruit kinaassuseq isertuullugu akeqanngitsumik  
siunnersuisinnaasoq ilitsersuisinnaasorlu.

Mælkebøtten (314114) meeqqanut inuusuttunullu tamanut  
ornittagaasoq inersimasumik oqaloqateqarnissaq pisariaqartikkukku  
ikiuussinnaasoq.

Neriuffik – Kalaallit Nunaanni kræfti akiorniarlugu suliniaqatigiiffik  
(490489) soorlu toqusoqarneranut atatillugu misigissutsinik  
iliuuseqarfiginninnissaq pillugu pitsaasunik siunnersuutissalik.

Kalaallit Røde Korsiat (321800) inuttut anigoruminaatsumik  
atugaqarnermi tarnikkut ikiueqqaarnermi- soorlu inuttut  
anigoruminaatsumik atugaqarnermi pitsaasunik siunnersuutissalik.

SIK – Sulinermik Inuussutissarsiutillit Kattuffiata (321740)  
qanigisamik toqusoqarpat ass. suliassanut tunngasunik ikiorlutillu  
siunnersorsinnaavaatit.

## NUTAARSIASSAQ

13. maajip 2020

Napparsimmavinnut  
peqqissaavinnullu pulaarneq

## NUTAARSIASSAQ

15. maajip 2020

Qanigisaasut suli Kalaallit  
Peqqissartut  
Illuanniissinnaannoikkallarnut



ingiallortasinnaapput pulaarsinnaallutilluunniit.

Napparsimasut immikkut sanngiiffeqartut Kalaallit Peqqissartut Illuanniimmata pulaarnissamut maleruagassat peqqinnissaqarfiup sinneranisut atuupput.



PEQQIK.GL PILLUGU



ILINNIARTITAANEQ



SULIAQARTUNUT



INFO IN ENGLISH



NUTAARSIASSAT



VIDEREUDDANNELSE



SAQQUMMERSITAT